

Isingeniso

IBandla elihambisana ndawonye liyalalela njalo libona ukuthi ukulalela kwedlula ukuzwa nje. Lilokuhloniphana lapho llunga ngalinye ngalinye lilakho elikufundayo komunye. Lapho amakholwa, umhlangano wabaBishopi kanye Bishop omkhulu waseRoma bayalalelana njalo belalela uMoya Ongcwele, “uMoya weqiniso” (Jn 14:17), ukuze sazi lokho uMoya akutshoyo emaBandleni” (Sambulelo 2:7)” (Pope Francis)

ISynod ingokuhambisana ndawonye siliBandla lonke, uzulu wonke kanye lemvelo kaNkulunkulu. Injongo yaloluhambo iyikuthi sifumane indlela ezintsha zokuba liBandla kanye lezokusebenza kweBandla.

Ngokunjalo ke, umbuzo omqoka esimele siwubuze kuloluhambo leSinodi yilo:

Ukuhamba ndawonye lokhu kuyenzakala njani eBandleni lethu? Kuyenzakala njani kusiFunda sakithi? Kuyenzakala njani eziqintini zethu (deaneries), emaParish/Mission ethu, emaqenjini amancane?UMoya Ongcwele usinxusa ukuba sithathe mnyethelo bani ukuze sikhule kuloluhambo lokuhambisana?

Sikhokhelwa ngumbuzo lo omqoka, kuswelakele ukuthi kesicabangisise kabanzi ngemicijo elandelayo.

I. Abangane abahambisanayo

Ngomhlangano omkhula wamaBhishopi ngomnyaka ka1994, iBandla lachasiswa ngokuthi liyimMuli kaNkulunkulu. Umbono lowo wawuqathaniswa lemikhuba kanye lendlela zokuphilisana ezinhle njalo ezitholakala emulini. Zonke izinto ezihlukumeza uzulu zihlukumeza iBandla (IMuli kaNkulunkulu).

Njengoba sikhuluma ngokumbisana, umbuzo ofika kuqala nje yilo:

1. Ngobani abahamba ndawonye?

Nxa sizibona iBandla lezwekazi leAfrika liyimulu kaNkulunkulu umbuzo olandelayo uthi:

2. Ngobani ibayinxenye yemuli le esiyibona iliBandla?

3. Ngubani osinxusa kuba sihambe ndawonye?

4. Ngobani esihamba labo njengabangane bethu?

5. *Nxa sikhuluma ngabantu abalahliweyo eBandleni lasemphakathini, ngobani abafika enqondweni zethu?*
6. *Kumele senzeni ukuze abantu labo bephatheke ngokukhuthala?*

II. Ukulalela

IBandla elihambisana ndawonye liBandla elilalelayo. Ukulalela kudinda ukukhululeka enqondweni kanye lenhliziweni., njalo lokukulalela singelabandlululo. Imibuzo esimele sizibuze yona yile:

1. *IBandla lethu (IsundaMbhishopi) sethu kumele silalele bani na?*
2. *Amakholwa, ikakhulu abantwana, omama, abagogekileyo kanye labampofu sibalalela njani?*
3. *Izidelamhlaba zona ziyamukeleka njani?*
4. *Mathuba bani esivanika labo abakhuluma ezinye indimi emaBandleni ethu? (kungaba ngabakhuluma isiVhenda; isiKalanga, amaShangani; kanye lezinye indimi)*
5. *Lukhona yini ubandlululo esilubonayo Phakathi kwethu olwenzwa kube nzima ukulalelana?*
6. *Sihlonipha njani imikhuba lamasiko esigabeni esiphila kuso?*
7. *Kuyini esikuzwisayo mayelana lendaba yokwamukela loba ukungenisa isintu okholweni lwethu?*
8. *Sikubona kuqakathekile yini?*

III. Ukukhuluma sikhululekile

IBandla elihambamba ndawonye alisiloBandla elilalelayo kuphela, kodwa liyadala umumo omuhle ukwenzela ukuthi abantu bakhulume bekhululekile.

1. *Siyavumela abantu ukuthi bekhulume bekhululekile, ngeqiniso njalo langothando (cf. Charity in Truth by Pope Benedict XVI)?*
2. *Kuvame kanganani ukuth abantu bekhulume bekhululekile, ngothando njalo langeqiniso kumumo esikuwo?*
3. *Kuyini esikwenzayo ukuze sithuthukise indlela zokukhuluma sikhululekile esigabeni sethu kanye lasenhlanganisweni zethu?*
4. *Senelisa njani ukukhuluma ngokumqoka okuphakathi kwenhliziyo zethu? Ngubani okhulumela iBandla njalo bakhethwa ngubani njalo njani?*

IV. Izinkonzo

Sihamba ndawonye ngendlela esilalela siyabelane iLizwi leNkosi ndawonye njalo sigubha umhlatshelo ongcwele ndawonye. Lokhu kuyenzeka ngoba imuli ekhuleka ndawonye, ihlala ndawonye. IMisa eNgcwele iyinhliziyi lenziki yempilo yamaKristu.

- 1. Inkonzo zethu zisikhuthaza njalo zisiqondisa okungakanani kuhambo lwethu sindawonye?*
- 2. Inkonzo zethu zikhuthaza njani ekuthatheni izinqumo ezimqoka?*
- 3. Sikhuthaza njani amakholwa ukuba aphaatheke kabanzi, ngokukhuthala njalo langokunanzelela enkonzweni zethu?*
- 4. Sikhuthaza njani njalo kanganani ekubeni amakholwa aphaatheke emisebenzini etshiyeneyo yebandla (amakhathekisti, ubabala izifundo, abanakekela abagulayo, abemitshado etc).*

V. Ukuphatheka kwethu sonke njengabatshumayeli beVangeli

Sonke singabafundi abathunyiweyo ukufakaza iVangeli. Ngalo umbuthano weBandla, siyanxuswa ukuphatheka emsebenzini weBandla.

- 1. Umuntu wonke obhaphathiziweyo uphelelisa njani umlandu wakhe wokuthunywa eBandleni?*
- 2. Ibandla lincedisela ngandlela bani amalunga alo azinikela ukusebenzela umphakathi (ukuhlolisisa lokufundisa ngendaba zobudlelwano babantu lezombusazwe, kukhuliswa njalo kuvikelwa amalungelo obuntu, njalo sinakekela imizi yethu lokunye okumayelana lathi)?*

Indlela yokwenza lokhu ingaba ngokuvuselela imfundiso mayelana lokuhlalisana eBandleni (Social Teaching of the Church) kubaPristi, iZidelamhlaba kanye lamakholwa.

VI. Ubudlelwano lamanye amabandla esiKristu

Ubudlelwano Phakathi kwamaKristu avuma ubhabhathizo lunye bumqoka kuhambo sindawonye. Ubunzima esihlangana labo njengezizalwane zelizwe leZimbabwe bumele busihlanganise ukuze siphume lezimamo minye yokwenqabela kumbe ukubuqeda. Kungaba ngezombusazwe, ezomnotho, ezentuthuko, imukhuhlane lokunye okunenginengi.

- 1. Ingxabono kanye lokutshiyana kwemibono likuqeda njani?*

2. *Mizamo bani njalo Ndlela ziphi esilazo njengabandla atshiyeneyo kanye lenkolo ezitshiyeneyo ezingasebenza ukuletheni ukuthula?*
3. *IBandla likhulumisana njani njalo lifundani kwezinye inhlangothi zelizwe ezinjengokuphathelene lomnotho, kwezepolithiki, kwezamasiko, kwezenhlanganiso ezizimeleyo kanye mayelana lobuyanga?*

VII. Dialogue with Other Christian Denominations

Ubudlelwana lokukhulumisana lamabandla atshiyeneyo okholo lwesiKristu, avuma ubhabhathizo lunye, bumqoka kule indlela yokuhambisana. Kulendlela ezinengi kakhulukazi ezingasihlanganisa, kusukela emulini kusiya kusiya kunhlangothi zikahulumeni.

1. Silobudlelwano bani labazalwane bamanye amabandla na? Banganelana kuziphi izinto lani?
2. Sidlelana njani labazalwane bamanye amabandla ikakhulu labo abaseyisayo? Siyazama yini ukusondela kibo ngothando langeqiniso? Kumbeni njalo ubudlelwano bethu labo bulokuzigqaja, umhawu, ukungathembani kanye lokungazithembi lokuzeyisa?

Kwezinye iziFundabhisopi kulenhlanganiso zabafundisi bamabandla atshiyeneyo (Ministers' fraternity) lapho abakhokheli labo abahlangana khona ukuze bexoxisane ngenhlupho kanye lobuhle emsebenzini wokufakaza iVangeli. Kanti ke lawo amakholwa ayahlanganyela ndawonye emisebenzini etshiyeneyo njengemingcwabo leminye imicimbi. Umbuzo okumele ubuzwe ngowokuthi zithelo bani ezitholakalayo ngaloluhambo sindawonye?

3. Buzima bani esihlangane labo?

VIII. Amandla loku Phatheka

IBandla elihamba ndawonye liyaphatheka ngokukhuthala langokunanzelela, njalo liyabelana ezintweni zonke. Amakholwa lawo ayaphatheka emsebenzini wokufundisa ikhathekizima, okokhola kanye lasemsebenzini wokuthuthukisa iVangeli.

1. *Amandla obukhokheli asetshenziswa kanjani kwelethu iBandla?*
2. *Ziphuma kanjani injongo ezikhangelelweyo, indlela zokufeza lezo njongo, njalo silandela ziphi indlela?*

Kwezinye iziFundabhisshopi lakwamanye amabandla, kusetshenzwa izimiso ezithile (pastoral plans) ezisungulwa yibo bonke abaphatheka kundaba zebandla labo, kuqiniswa umutsho othi, 'abantu basekela okubunjwe yibo kanye'. Kuzifundabhisshophi zethu, silamaqembu athile aqondisayo ngezokholo, egoqela iNkundlankulu yesiFunda (Diocesan Pastoral Council (DPC)); abezomnotho lempahla yebandla (Diocesan Finance Committee); idale lamakholwa (the Council of the Laity), inkundla yaba Pristi (Presbyteral Council) lezinye inhlanganiso ezitshiyeneyo.

3. Aqakathekiswa kangakanani amaqembu la ekuphumeni lezibopho eziqakathekileyo zeBandla?

4. Yiyiphi eminye imisebenzi loba imikhuba ebonakalisa ukumanyana lokusebenzelana kusiFundabhisshopi sakithi?

5. Imisebenzi etshiyatshiyeneyo yeBandla eqhutshwa ngamakholwa kanye lokusebenza ndawonye kuthuthukiswa ngaziphi indlela ezitshiyeneyo?

Kwezinye iziFundabhisshopi, abakhokheli kuzigaba ezehlukeneyo baya ngena kunhlelo ezifundisa ngobukhokheli langokusebenzelana ndawonye (leadership and teamwork). Loba kunjalo, umbuzo osalayo uthi:

6. Amaqembu ohambo lweBandla asebenza njani kuBandla ngalinye ngalinye? Kulezithelo ezinhle na ngokenzakala kwakhona?

IX. Ukuhlolisisa umumo ngokunanzelela lokwenza izinqumo

Njengo sinanzelele ngaphambilini, kusiFundabhisshopi sakithi, silamamaqembu loba inhlanganiso zobungcitshi ezigoqela: iNkundlankulu yesiFunda (Diocesan Pastoral Council (DPC)); abezomnotho lempahla yebandla (Diocesan Finance Committee); idale lamakholwa (the Council of the Laity), inkundla yaba Pristi (Presbyteral Council), inkundla yabeluleki bakaMhlekezazi (Body of Consultors), imihlangano yabaPristi (Association of Priests) lezinye inhlanganiso ezitshiyeneyo. Kumabandla ethu atshiyeneyo, ziyatholakala futhi inhlangothi lezi.

1. Amaqembu la aqakathekiswa kangakanani ekuhlolweni kwezinto lokwenzeni izinqumo?

Kwezinye iziFundabhisopi, injongo zebandla zibunjwa yila amaqembu obungcitshi (stakeholders) endawonye. Konke lokhu kuqakathekile ngoba kulo umbuthano weBandla izinqumo zenziwa ngemva kokuhlolisisa kabanzi njalo ngomkhuleko, lezivumelwano zibakhona ngokulandela intando kaMoya Ongcwele.

2. *Ndlela bani ezilandelwayo ekuhlolisiseni izinto sindawonye njalo siphuma lezinqumo? Kulezinye indlela ezingcono zokwenza lokhu na?*

3. *Singancedisa njani ukuphathisana kumbe ukuphatheka ndawonye ukuze siphume lezinqumo ezithile lapha okulobukhokheli obuyizigaba obuyizigaba ezithile kusiya phezulu (hierarchically structured communities)?*

4. *Siyenelisa yini ukwehlukana izigaba zokusungula izinqumo ngokubonisana labathile lalazo ezilethwa seziphekiwe, indlela zokuphuma lemibono kanye lokuphuma lezinqumo ebantwini?*

5. *Sisebenzisa sikhuthaze ziphi indlela ekuletheni ukubaluleka kanye lokubaqotho kumbe ukuthembeka?*

X. Ukwakhiwa yikuhambisana ndawonye

Umoya wokuhambisana ndawonye uyisifundo sokwakheka kobuntu bethu kanye lobuKristu bethu, ezimulini kanye lasezigabeni esiphila kuzo.

1. *Singabumba kumbe sakhe njani abantu, ikakhulu labo abalomlandu wobukhokheli emaBandleni ukuze benelise ukuhamba ndawonye labakhokhelwayo, belalalana njalo bekhulumisane kuhle?*

Njengoba kuthintiwe ngaphambilini, zikhona iziFundabhisopi ezilenhlelo zokufundisa ngobukhokheli kuzibanga ezitshiyeneyo ukuze kube lokusebenzelana ndawonye njalo kube lokuhambisana. Imibuzo esala edinga impendulo yile:

1. *Mfundiso bani esiyiphayo ukuze abantu benelise ukwahlulela lokwehlukana okubi kokuhle, ikakhulu labo abaphethe amandla obukhokheli?*

3. *Sisebenzisa ziphi izikhali ukuze sibone inguquko ekhona emikhutsheni lasemasikweni iBandla elizifumana likuwo?*